

Kab Mob Creutzfeldt–Jakob (CJD)

Kab Mob Creutzfeldt–Jakob (CJD) yog ib yam kab mob uas pom muaj tsawg heev nyob rau hauv tib neeg uas muaj feem cuam tshuam tsis zoo rau cov leeg xa xov. Tsis muaj hau kev kho tau kom zoo tu qab. Nws yog ib yam ntawm cov kab mob uas tau hu ua cov kab mob paj hlwb su pa uas tuaj yeem sib kis tau (TSEs) los sis kab mob prion. Cov kab mob no tsim ua rau muaj plaus tees khub nyob rau hauv lub hlwb uas tsis zoo li ib txwm. Lawv tuaj yeem tsim ua rau leeg xa xov puas tsuaj thiab tsim ua rau muaj cov tsos mob fab leeg xa xov xws li mob puas hlwb, cov teeb meem kev lis hauj lwm, kev puas tsuaj fab kev txawj ntse, thiab kev tuag. Cov tsiaj tuaj yeem kis tau lwm hom mob ntawm TSEs. Piv txwv li kab mob hlwb su pa ntawm nyuj (BSE) (los sis kuj hu ua “kab mob nyuj vwm”) hauv cov nyuaj, kab mob scrapie hauv cov yaj, thiab kab mob puas hlwb uas kho zoo tsis tu qab (CWD) nyob rau hauv mos lwj me los sis mos lwj loj. Feem ntau lawm CJD nyiam tshwm sim rau cov neeg uas muaj hnub nyoog siab tshaj li 65 xyoos.



Dab tsi tsim ua rau muaj tus kab mob CJD?

- ▶ CJD tshwm sim thaum cov plaus tees uas zoo li ib txwm hauv lub hlwb quav yuam kev thiab tsis zoo li ib txwm. Cov plaus tees ua quav yuam kev, tsis zoo li ib txwm no yog tau hu ua prions. Thaum cov plaus tees no quav yuam kev, ces lawv yuav tsim ua rau lwm cov plaus tees uas zoo thooj li ntawd tsis zoo li ib txwm ib yam thiab. Qhov no yuav tsim ua rau muaj cov plaus tees uas tsis zoo li ib txwv khub ntau tuaj uas muaj kev phom sij.
- ▶ Tus kab mob no siv sij hawm loj hlob ntev heev ua ntej muaj cov tsos mob tshwm los. Qhov pib ntawm cov tsos mob ntawd tuaj yeem tshwm sim nyob rau ncu a 15 hlub hli txog rau kaum xyoo tom qab qhov plaus tees prion uas tsis zoo li ib txwm nkag los rau hauv lub cev.



Kab mob CJD muaj pes tsawg hom?

- ▶ **CJD Uas Tshwm Sim Yam Uas Tsis Paub** tshwm sim thaum cov plaus tees uas zoo li ib txwm nyob hauv lub cev cia li tsis zoo li ib txwm uas tsis paub txog lub laj thawj. Tus kab mob CJD hom no xam muaj yuav luag li 90% ntawm cov neeg mob CJD tag nrho.
- ▶ **Kab mob CJD raws tsev neeg (los sis caj ces)** tshwm sim thaum tus neeg tau txais cov roj ntsha los ntawm niam txiv uas tsim ua rau muaj kev loj hlob ntawm cov plaus tees uas tsis zoo li ib txwm. Tus mob CJD hom no xam muaj thaj tsam li 10% ntawm cov neeg mob.
- ▶ **Tus mob CJD uas kis tau los (los sis tshwm sim los ntawm kev kho mob)** yog ib yam mob uas tshwm sim thaum tus tib neeg kov raug cov plaus tees uas tsis zoo li ib txwm. Qhov kev kov raug yuav tshwm sim thaum ua txheej txheem kho mob los ntawm qhov khoom siv rau fab kev kho mob uas paug tsis huv. Vim yog kev vam meej ntawm cov hau kev tsuag tshuaj tua kab mob, kev kuaj tus neeg muab nqaij nruab nrog cev pub dawb, thiab cov tev niv kev phais mob, thiaj ua rau tam sim no cov neeg mob tus mob CJD uas kiv tau los muaj tsawg heev.
- ▶ **Tus Mob CJD Uas Txia** yog ib hom mob CJD uas muaj tsawg heev uas tshwm sim los ntawm kev noj nqaij nyuj uas kis mob BSE. Cov neeg mob uas tau tshaj tawm feem coob yog pom muaj nyob rau hauv Teb Chaws As Kiv (U.K.) uas vim yog qhov kev sib kis mob loj nyob rau ncu a sij hawm kaum xyoo tom qab xyoo 1980. Txawm tias yuav muaj plaub tus neeg mob vCJD nyob rau hauv Teb Chaws Mes Kas Los, kuj tsis muaj lawv ib tug twg mob vim yog nphav raug kab mob nyob rau hauv lub tev chaws.



Dab tsi yog cov cim mob thiab cov tsos mob?

- ▶ Puas hlwb uas huam loj ceev heev
- ▶ Tuag tes tuag taw
- ▶ Kev tswj leeg nqaij tsis tau zoo
- ▶ Tuag



Cov hau kev xaiv kev kuaj mob thiab kev kho mob muaj li cas?

- ▶ Tam sim no tsis muaj cov hau kev xaiv kho mob rau CJD; tus mob no muaj kev phom sij txog rau qhov tuag taus. Cov kws muab kev pab cuam saib xyuas kev noj qab haus huv tuaj yeem muab tau cov kev pab cuam ua kom cov neeg muaj mob CJD hnov xis nyob tau.
- ▶ Cov kev vam meej nyob rau hauv kev kuaj ntaus nqi mob tam sim no tuaj yeem muab tau qhov kev ntaus nqi mob uas mus tau los ntawm
kev kuaj ntsuas lub hlwb (EEG), kev ntaus nqi cov kua dej txha nqaj qaum, thiab duab thaj hluav taws xob uas siv hlau nplaum (MRI). Tsuas muaj ib txoj hau kev xwb uas los ua kom paub meej txog qhov kev ntaus nqi mob thiab cais kom meej ncu ntawm tus mob CJD uas tshwm sim yam uas tsis paub thiab tus mob CJD uas tshwm sim raws tsev neeg yog los ntawm kev kuaj lub cev tuag.



Tuaj yeem pov thaiv tau CJD li cas?

- ▶ Thov txim, uas tsis muaj txoj hau kev uas paub los pov thaiv **tus mob CJD uas tshwm sim yam uas tsis paub**.
- ▶ Yog tias koj muaj keeb kwm tsev neeg muaj CJD, ces tej zaum nws yuav yog qhov pab tau koj zoo uas mus ntsib tus kws sab laj txog caj ces los pab koj txiav txim koj qhov kev pheej hmoo tshwj xeeb rau **tus mob CJD raws tsev neeg**.
- ▶ Koj tsis tuaj yeem kis tau tus mob CJD los ntawm kev chwv nrog tus neeg uas kis mob lawm tas li, txhua hnub. **Tus mob CJD uas kis tau los** tsuas tshwm sim nyob rau xwm txheej tshwj xeeb heev xwb uas tsis tshua pom muaj kiag li.
- ▶ Kev pov thaiv **Tus Mob CJD Uas Txia** yog ua tau thaum uas tswj tau tus kab mob nyuj vwm muaj kev sib kis loj, los sis BSE, nyob rau hauv U.K. Tam sim no kuj tseem muaj cov neeg mob BSE tsawg heev thiab tshwm sim yam uas tsis paub. Teb Chaws Mes Kas tau ua cov kauj ruam tiv thaiv tsis pub coj cov nyuj uas muaj mob nkag los rau hauv kev ua khoom noj ntawm lub teb chaws.



Nws puas yuav mus tau uas tus kab mob CWD nyob rau hauv cov mos lwj me thiab mos lwj loj yuav tsim ua rau muaj cov kab mob uas zoo thooj li CJD rau tib neeg?

- ▶ Tam sim no, Cov Chaw Tswj thiab Pov Thaiv Kab Mob (Centers for Disease Control and Prevention, CDC) thiab Koom Haum Kev Noj Qab Haus Huv Hauv Ntiaj Teb (World Health Organization, WHO) tseem tsis tau kuaj pom tus mob CWD nyob rau hauv tib neeg. Tsuas yog lub sij hawm uas paub tus kab mob prion ntawm tsiaj
 - ▶ uas muaj feem cuam tshuam tsis zoo rau tib neeg yog vCJD los ntawm kev noj cov nqaij nyuj ntawm tus nyuj uas tau kis mob BSE.
- Tam li yog ib qhov kev pov thaiv, tib neeg tsis tsim nyog noj tej nqaij mos lwm me los sis mos lwj loj uas coj txawv - txawv, pom tias yuag - yuag, los sis lwm yam tsos mob ntawm CWD. Cov prion uas tsim ua rau muaj
- ▶ tus kab mob CWD tuaj yeem pom nyob rau cov theem uas qis nyob rau hauv leeg nqaij ntawm cov tsiaj uas tau kis mob.
- Raws li ncu dav lawm, xav kom tsis txhob noj cov paj hlwb, cov hlwb txha nqaj qaum, ob lub qhov muag, tus po, qog qa, cov qog ntshav ntawm tus mos lwj me los sis mos lwj loj. Qhov prion CWD yog pom muaj nyob rau hauv cov chaw no nyob rau theem uas siab zog hauv cov tsiaj uas tau kis mob. Kev kuaj tus mos lwj me los sis mos lwj loj uas tua tau tuaj yeem ua tau los ntawm

[Wisconsin Lub Tuam Tsev Hauj Lwm Saib Xyuas Cov Peev Txheej Uas Ib Txwm Muaj \(Wisconsin Department of Natural Resources\).](#)

